



## 2. fundur aðalstjórnar UMF. Selfoss

haldinn í Tíbrá miðvikudaginn 10. október 2018 kl. 18:15.

---

**Mætt eru:** Viktor S. Pálsson (VSP) formaður, Dýrfinna Sigurjónsdóttir (DS), Sigrún Hreiðarsdóttir (SH), Dagrún Ingvarsdóttir (DI) varamaður fyrir Ingibjörgu Garðarsdóttur, Helgi Sigurður Haraldsson (HSH), Þórir Haraldsson (ÞH), Birgir Júlíus Sigursteinsson (BJS), Jón Steindór Sveinsson (JSS), Guðmundur Pálsson (GP) og Ófeigur Ágúst Leifsson (ÓÁL). Auk þess sátu fundinn Gissur Jónsson (GJ) framkvæmdastjóri sem ritar fundargerð og Aðalbjörg Skúladóttir (AS) bókar.

**Gestir:** Guðbjörg Jónsdóttir (GuJ) formaður íþrótt- og menningarnefndar Árborgar, Tómas Ellert Tómasson (TET) bæjarfulltrúi Árborgar og Bragi Bjarnason (BB) menningar- og frístundafulltrúi Árborgar.

**Forföll boðuðu:** Hjalti Þorvarðarson og Sverrir Einarsson.

**Fjarverandi var:** Árni Steinarsson.

### 1. Samstarf við Sv. Árborg

Guðbjörg Jónsdóttir, Tómas Ellert Tómasson og Bragi Bjarnason mættu á fundinn til að fara yfir, ræða og svara spurningum um samstarf og samvinnu UMF. Selfoss og Sveitarfélagsins Árborgar. Helgi Sigurður Haraldsson tók þátt í 1. dagskrárlið sem bæjarfulltrúi Árborgar.

HSH reifaði hugmyndir um uppbyggingu íþróttamannvirkja á íþróttasvæði við Engjaveg sem lagðar hafa verið fram og kynntar UMF. Selfoss.

VSP fagnaði þessum metnaðarfullu tillögum og telur að mikilvægt áfram sé unnið á grunni þeirra.

JSS kynnir hugmyndir stjórnar knattspyrnudeildar sem gerir ráð fyrir breytingu á 1. og 2. áfanga. Meðan uppbygging er í gangi þarf að hafa í huga Unglingalandsmót 2020 og mótahald knattspyrnudeildar á sumrin.

HSH telur mikilvægt að horfa til framtíðar og heildarmyndar svæðisins sem og reksturs.

ÞH telur mikilvægt að það sé bæði hugsað til framtíðar og það verði horft til framtíðar. Framtíð handboltans í íþróttahúsinu lðu er ekki góð. Þrátt fyrir að völluminn sé keppnishæfur er það ekki meira en svo og því er mikilvægt á þessum tímamarki að hugsa í lausnum til framtíðar.

DI spurði um tímasetningar verkefnisins og stærð fimleikasalarins. Upplýst var að fullur vilji bæjarstjórnar væri að fara í verkefnið og stærð salarins er í samræmi við óskir fimleikadeildar í greinargerð Umf. Selfoss um uppbyggingu íþróttamannvirkja.

ÓÁL og MRM telja að þegar sé þörf fyrir alla þá uppbyggingu sem lögð er til. SH tekur undir og segir mikilvægt að byggja til framtíðar.

HSH segir núverandi meirihluti sammála um að skynsamlegt sé að hugsa til langrar framtíðar og út á það gangi tillögurnar.

GuJ leggur áherslu á heildarmyndina í verkefninu.

TET segir að höfuðáhersla hafi verið lögð á að fá utanaðkomandi aðila að hönnun á þessu stóra íþróttamannvirki og er þeirrar skoðunar að uppbygging íþróttamannvirkja sé best á einum stað.

ÞH kom á framfæri atriðum frá handknattleiksdeild varðandi aðstöðu, búnað og flutning yfir í lðu. Deildin er að taka saman skýrslu um það sem er ábótavant.

VSP telur eðlilegt að félagið komi þessum skýrslum á framfæri við bæjarfélagið í gegnum framkvæmdastjórn. Í framhaldi af því verði fundað með fulltrúum bæjarstjórnar.

Gestir yfirlögðu fund kl. 19:25.

## **2. Fundargerð framkvæmdastjórnar**

1. fundargerð framkvæmdastjórnar frá 7. júní til umræðu.

2. fundargerð framkvæmdastjórnar frá 25. júlí til umræðu.

3. fundargerð framkvæmdastjórnar frá 5. september til umræðu.

Aðalstjórn hefur áhyggjur af tímaramma við uppbyggingu íþróttamannvirkja á Selfossvelli en ljóst er að hönnun, útboð og framkvæmd verður að hefjast sem allra fyrst.

HSH kemur á framfæri að beðið er eftir niðurstöðu Umf. Selfoss til að bæjarstjórn geti haldið áfram með verkefnið.

Heilt yfir er aðalstjórn sátt við tillögur um uppbyggingu íþróttamannvirkja en mikilvægt er að knattspyrnudeild fái frekari tíma til að koma sínum áherslum og mögulegum breytingum á framfæri.

Samþykkt tillaga frá VSP að knattspyrnudeild fundi á morgun og komi tillögum sínum á framfæri við framkvæmdastjórn sem svarar bæjarstjórn í seinasta lagi mánudaginn 15. október.

### **3. Ritnefnd Braga, ársrit Umf. Selfoss**

Framkvæmdastjóra falið að skipa fólk í ritnefnd Braga, ársrit Umf. Selfoss. Mikil ánægja var með störf seinustu nefndar sem skipuð var Guðmundi Karli Sigurdórssyni, Vigni Agli Vigfússyni, Þóru Þórarinsdóttur og Erni Guðnasyni.

### **4. Valnefnd um íþróttafólk ársins**

Framkvæmdastjóra falið að skipa fólk í nefnd um val á íþróttafólki ársins. Nefndina skipuðu í fyrra Bergur Guðmundsson formaður, Elínborg Gunnarsdóttir, Sandra Dís Gunnarsdóttir, Sigríður Ósk Harðardóttir og Örn Guðnason.

### **5. Persónuverndarlög**

Kynnt voru tilmæli frá Persónuvernd vegna notkunar samfélagsmiðla, bréf frá ÍSÍ og kynning frá Advania vegna nýrra laga um persónuvernd.

Framkvæmdastjóra falið að vinna þetta mál þannig að Umf. Selfoss uppfylli skilyrði persónuverndarlaga.

### **6. Sameiginlegar reglur um æfingagjöld Umf. Selfoss**

Aðalstjórn telur brýnt að leita leiða til að samræma reglur um æfingagjöld hjá félaginu.

Framkvæmdastjóra falið að taka saman hvernig þessu er háttað hjá deildum Umf. Selfoss og vinna tillögu að sameiginlegum reglum í samráði við starfsfólk deilda og stjórnir eftir því sem við á.

### **7. Æfinga- og keppnisferðir iðkenda Umf. Selfoss**

Aðalstjórn styður einróma tillögu framkvæmdastjórnar þar sem lagt er til að iðkendur í 8.-10. bekk fari að hámarki einu sinni til útlanda í hverri íþróttagrein. Mikilvægt er fyrir foreldra að reglur félagsins séu skýrar.

Framkvæmdastjóra falið að setja upp skipulag æfinga- og keppnisferða í samstarfi við deildir auk þess að hnykkja á reglugerð félagsins um fjáraflanir.

### **8. Samningur við Jako**

Aðalstjórn samþykkir fyrirbyggjandi samning við Jako og felur framkvæmdastjóra og formanni að ganga frá honum með formlegum hætti.

### **9. Kynning á Sportabler**

Samskiptakerfið Sportabler kynnt fyrir aðalstjórn. Aðalstjórn hafnar formlegum samningi við eigendur meðan ekki liggur fyrir kostnaður.

### **10. Skipurit Umf. Selfoss**

Umræðu frestað til næsta fundar aðalstjórnar.

**Fundi slitið klukkan 20:08.**